

光緒永嘉縣志

永嘉縣志卷之十目錄

秩官志

名宦

齊

蕭景

唐

吳曾

宋

仰仁謙

咸

綸

湯志補

霍蠡

宋紹恭

湯志補

惠端方

湯志補

莊

壬

湯志補

葉紹

補元

王安貞

趙塔納

林泉生

湯志補

明

梁瑀

趙德謙

補

李琰

潘

慶

張志能

周紀

黎存信

卓

越

文林

劉遜

諸葛駿

補

林廷璫

汪循

補

黃師石

補

周敘

彭占祺

方升 白濬 周琬 李丕顯

朱潤 齊譽 周岱補 李思柱

程文著補 王之屏 伍士望補 程應元補

楊翬 劉三宅 徐浩補 陳其志補

沈一德 林應翔湯志補 陸問禮湯志補 張朝綱補

莊廷臣湯志補 戴相

國朝韓則愈補 王世顯 張熙補 郭永振湯志補

馬琬 鄭廷俊湯志補 蔡啟份湯志補 王維新湯志補

夏光遠補 張可大 邱兆熊 徐維綱補

黃友教湯志補 黃元規湯志補 周含萬續

留績十六人附二人

唐 韋庸

宋 楊蟠

劉士英張洙錢觀復

元 夏若水

左答納失里

明 黃信中

郁山

黃釗

葉邦憲

國朝 王國泰

芮復傳

李琬

秦瀛

池建功

金衍宗

秦如虎

[illegible]

永嘉縣志卷之十

秩官志二

名宦

自漢永和立縣至于今一千六百餘年宦遊斯土者母
慮數千其名字可考者尙九百餘人其政績可書者才
六十餘人蓋十不得一焉何其難也豈皆傳舍其官而
秦越其民歟抑書缺簡脫文獻無徵雖有善政而未有
以傳之歟夫名者實之賓也苟有其實何患不傳今畧
採舊聞紀其崖畧後之官斯土者其尙思媲美前修也
乎

齊

蕭景字子昭梁高祖從父弟也才辨能斷齊建武中除晉安王國左常侍遷永寧令政爲百城最永嘉太守范述曾居郡號稱廉平雅服景爲政乃榜郡門曰諸縣有疑滯者可就永寧令決頃之以疾去官永嘉人胡仲宣等千人詣闕表請景爲郡不許還爲驃騎行參軍梁高祖踐阼封吳平縣侯仕至安西將軍郢州刺史普通四年卒諡曰忠

梁書

唐本傳

吳曾永嘉令勤於吏事政平訟理嘗慕謝康樂風致構亭

曰懷謝

嘉靖志

宋

仰仁謙吳興人太平興國間以太子舍人知縣事時錢氏方納土仁謙始爲令廉慎愛民政治一新後卒於官子孫因家焉三世孫忻以入行舉

嘉靖志

戚綸字仲言應天楚邱人太平興國八年舉進士知永嘉縣境有陂塘之利浚治以備水旱復爲光祿丞轉運使又上其政績連詔褒之

宋史本傳

霍彞建炎三年知縣事廉介有才幹事雖蝟集處之裕如四年高宗臨幸禁衛省部咸在供億百出蠡調度得宜有

事則直奏中官咸畏憚之嘗面陳本州沒官田宅多皇族
勳戚告佃而不輸稅請鬻以供億詔從之用是車駕所臨
供應雖繁而民不困當時皆稱其能

嘉靖浙
江通志

宋紹恭字彥安開封人靖康後南徙會稽紹恭之知永嘉
造葉適坐語常移日意所縱奪微辭抑揚論承平至渡江
公卿行事本末其人賢不肖無一差忒而治縣約期會緩
徵役早計預定陰化潛弭視新進後生乍出智慮聚沙畫
塹欲以立名字造威福力相百功相十也吏民皆稱爲聰
明允恕易事而難說謂後此更十五令無能繼者而其前
亦鮮及也

葉適故朝奉大夫知
峽州宋公墓誌銘

惠端方字敬之宜興人爲永嘉丞與民爾汝求事情實而
審寘其便處不以妄與奪取快也士後出迭倡和相朋友
同蔬共醕無倦日然立於高遠不可挽近數年來稱州之
賢大夫僉曰惠丞交譽於大吏率氣力薄吏所易侮緣是
未改官人尤惜之丞不動意

葉水心集

莊壬字子中惠安人嘉定進士尉永嘉鹽寇掠境憲司符
夜至壬不待白郡偕巡檢率寨兵俘盜數輩上謁郡守楊
簡怒其不先白欲處以軍法壬屹立不動通守以下爲請
曰尉能權以濟事可旌也何誅爲簡意解衆强壬拜謝竟
不拜拂衣去

南宋書
循吏傳

諸臺壯其節交薦之終海豐令

泉州府志

葉紹字繼甫青田人有古烈士風舉賢良方正初授迪功郎掌永嘉教事居官二十五年士風丕變德祐間聘修國

史日厯

羅正處州志

元

王安貞大德七年任縣尹開敏有材善折獄吏卒不下鄉民以不擾興學校建忠烈廟修陳孝子祠表仰孝廉墓治行有聲

嘉靖志

其戒民十事尤爲肫切

萬縣府志

趙塔納

一名良勝一作大訥

字敬叔金華人周恭肅王元儼之十世

孫也起家驛曹掾

嘉靖志作譯曹

厯陞永嘉尹廉介有爲興學校

均賦役審訟獄咸盡其情永嘉計口賦鹽民以爲病大訥

建請令富商轉售之瑞安猾吏僞爲官書誣平民盜販民
自殺者三人府下大訥訊之大訥徙之臨汀州城枕大江
水暴岸善崩大訥列植巨木先以其芒殺浪勢然後實土
以石甃之岸凡數千尺得不壞築黃湖蓮花二埭溉田二
萬餘頃除溫台等處海運千戶

宋濂浦陽人
物記嘉靖志

林泉生字清源先世居莆田徙永福天厝庚午登進士第
歷承務郎溫州路永嘉縣尹永嘉號劇邑泉生理之若無
事豪猾孟某賄上下肆毒隣里煽民訟因爲居間持吏短
長不敢問必從其所向泉生曰姦人亂政不去終不能治
正其罪竄逐之邑鹽賦配民最重往往破產泉生求變通

之術取會集衝要地置局四處省其半官自鬻之有隱田二百餘畝不輸稅監守影射爲職田者泉生覈得之勒石爲記俾里胥遞耕以輸鹽賦之不足興水利築新河埭壩時啟閉以避旱澇調漳州推官官至翰林直學士奉議大夫知制誥同修國史

（吳海聞過齋集）
林公行狀

明

梁瑀字禹玉鳳陽人洪武十一年知縣事修舉廢墜深知民隱邑承元弊民田多匿賦軍需且殷饋餉不給時自浙西海運以足之軍民交病旣而有令覈民田瑀乃履畝占數編號畫圖以正經界由是稅額有加饋餉亦裕而海運

乃罷兵民便之

嘉靖志

趙德謙分教永嘉樂易好善喜獎誘後進未嘗見疾聲遽

色

黃介菴集

李琰字廷珪廣東化州人洪武二十七年知縣事洞燭吏民情偽訟清役均雖當繁劇而甚暇裕歲歉富室閉糴下令勸貸有方民皆樂從郡守趙彥夫善其法布之各縣闡境賴之後坐累被收邑民妻得成等赴闕直其冤得復任

秩滿遷去

嘉靖志

潘慶江西上高人永樂二年由進士知永嘉存心愷悌修

前令李琰之政以艱去民咸思之

嘉靖志

張志能萊陽人宣德間以人才薦除永嘉典史催科有法民無逋負過於嫉惡爲兵徒所中逮繫邑中老人羣赴闕訟冤告者抵罪志能得復任（康熙志）

周紀宇功載

（康熙志）

吉水人正統初由教職以才學薦舉

擢知縣事廉能有聲擢監察御史終布政使司參議（嘉靖志）

黎存信正統間永嘉丞耿介持正理不惑鬼神時俗多奉淫祠乃立條禁毀諸不應祀者俗爲之戢（康熙志）

卓越福寧人景泰間由進士知縣事自奉菲薄事上不阿痛裁里甲冗費提舉市舶中貴徵求擾攘越以義折之民

賴以安

（嘉靖志）

文林字宗儒長洲人成化壬辰進士除知縣事廉聲大著

一統志

敏察剛果應變若轉丸擊豪右恤窮困興學校舉鄉

約毀淫祠疏通水利時田賦缺額以千計乃丈量漏落及
新漲塗地以足其數訟獄蝟興處分裕如旁邑訟不平者
多就質焉

義靖志

有商人糴米倩人擔之從別道去商蹤跡

不能得訟於林林受其訟不爲理命姑去未幾召倉官云

欲下倉視糧命各鄉里正集腳夫於倉是日林入令商立

於倉門腳夫過果獲其人遂服辜

都穆譚纂

地產美梨有持獻

中官者中官令民納以充貢林曰梨於民何濟使歲爲例

其何以堪俾悉伐其樹中官大怒會吏部以政績卓異召

當擢憲職適讒言至竟授南京太僕寺丞

見聞錄

後爲温州

知府人頌神明卒於官篋中無一溫物郡邑兩祀名宦

徵獻

錄

劉遜字時讓江西安福人成化庚子由進士知縣事廉介
守義無所顧忌遠鄉民稅逋負躬歷面諭之遂輸納恐後
究剖積獄邑無冤民以白鹿洞規頒學訓士建置諸祠廟
以彰前列又鐫古今賢令名氏於縣治俾後人知所勸擢

監察御史有風節士民思之肖像立祠祀焉

嘉靖府志

諸葛駿字文敏晉江人宏治壬子舉人授永嘉訓導

永嘉志作

論教人以德行爲體舉業爲用朝夕程課鑄冶不懈以王

景山儒志編闕略失次手自校正遂成完書永嘉祠之名

宦

泉州府志

林廷獻號南峯廣東吳川人宏治十年由進士知縣事公廉有才幹政績可述展拓學宮擢蘇州府同知士民懷其遺愛祠於縣學西時論卓文劉林四公皆治行卓然而劉

爲最

嘉靖志
康熙志

汪循字進之休寧進士宏治十一年知縣事首崇儒術得

王景山儒志編以爲真見天人性命之理校梓以傳之

儒志

編序

忠烈廟傾圯無存遷簡訟坊東偏乘淫瀆汰斥之餘而

加新之

忠烈廟碑記

先是文林守溫三年其政過嚴然未嘗酷

罰以自殖也循以德化民縣門帖云剝民脂以徼聞譽我不忍爲勦民命以立功名天不可罔文守過之曰汪令實謂我矣亦終不加詰責一時寬猛相資如此

歐東錄

黃師石閩人知縣事藉甚有聲和易而寬平純篤而警敏不苛察以爲知不矯激以爲廉事上也恭而有禮撫下也寬而有制勤以集事而眾務舉誠以感物而奸詐息暇日則修庠序之事延接儒雅究論理道虛已聽受畧無難色先後稱者如出一口

黃介菴集送永嘉黃知縣復任詩序按府縣志無黃師石當卽宣德間之

黃斌宜列前潘慶之次

周敘字子厚湖廣九溪衛人由進士初任大理評事諫武

宗南巡廷杖謫永嘉丞爲人亢直惇厚素位而行士高其

誼民懷其惠

嘉靖志

後官工部尙書

萬曆志

彭占祺字朝吉山東費縣人正德十二年由進士知縣事性廉潔泄政有方事上官一從省約自具饗餼如寒士幼子啼索果折絲瓜去皮啖之邑民稱彭青天

嘉靖志

方升字世猷婺源人嘉靖二年由進士知縣事節用愛民以禮整俗吏胥有犯不少貸歲荒治盜甚嚴民賴靈輯雅持清操以直道事上官亦皆亮焉終湖廣參議

嘉靖志

白濬字子深廣西臨桂人嘉靖九年知縣事愷悌宜民操

守無玷以憂去

嘉靖志

周琬字潤夫湖廣應城人

一作麻城

嘉靖十二年由進士知縣

事有俊才處繁劇立斷好賢禮士勤恤民痾天旱徒步露禱大雨隨沛咸以爲精誠所感擢禮科給事中官至副都

御史

嘉靖志

李丕顯字憲文號貞菴福建長樂進士嘉靖十四年知縣事愛民養士政績有聲己亥春淫霖苦農祈天而晴及秋旱魃爲虐祈天而雨治水利築埭惠民不爲三年之計瞿

溪上下十數萬之田永有嘉賴後擢御史去

項喬國東錄舊府志

朱潤字伯雨山東益都人以給事中謫丞樂清吏畏民懷嘉靖二十年遷永嘉令材畧宏敏政尙寬平雖未嘗以廉

介示人而實一介不取去後人益信之遷靈波府同知卒於官囊橐罄然士論咸痛惜焉嘉靖志

齊譽字文實江西南昌人嘉靖二十九年以兵科都給事中謫知永嘉究悉民瘼務省約以紓其困編派里遞班次刊立木牌以便民律已嚴正遇士有禮威惠並著遠邇孚化焉後陞按察司副使萬曆府志

周岱字一石泰興人以進士起家知縣事首興學校會海警方日夕籌武備而岱以長才莅之獄無滋豐寇不入境大憲檄統眾援嘉湖先聲所至倭寇退還任境內息烽益以教養爲事學籍舊有塗田爲風潮衝圯爲豪強兼并無

以裕諸生代惻然曰此令職也乃以理論諸紳民同耆民
陳嵩陳獻壽等親勘而返之不足以新漲攔護者補得田

一百九十二畝有奇

趙廷松撰
補學田記

李思柱字子勝武邑人嘉靖中知縣事治尙嚴峻狷介有
聲改調去行李蕭然

舊通志

程文著字景山婺源進士嘉靖間知縣事孳孳撫循問民
所疾苦煦育含茹而惟恐傷之逋負累積督徵有方胥吏
供辦諸冗費芟剔殆盡而身所率先若脩黻宮以作士禱
水旱以惠民時饋餉以給軍皆以誠意相孚庶幾古之循

吏

半山
藏稿

王之屏字汝憲潁州人隆慶元年由進士知縣事嚴明正大
大人不敢干以私吏胥有犯輒置之法愛民禮士以廉介
自勵秩滿凡鍰金盡蠲之後官福建布政使

萬厯志

伍士望字蠡湖南昌進士隆慶壬申來知縣事詢民瘼考
治原知里甲之爲民病慨然稽田平賦與民更始無何清
通鄉以瑞麥來獻一莖連穗者數十本衆以爲豐登之兆

半山藏稿

程應元字巽峯婺源人隆慶五年由舉人任溫州推官簡
靜有威嘗署邑事芟剔郡蠹奸愾罔容節約供需無煩里
甲絲粟覈漏田稽隱丁築潰塘諸所興革足垂永利每決

獄輕重惟允民自懾服遷臨江府同知

萬厯府志
半山藏稿

楊翬字南池江西清江人萬厯二年任永嘉教諭志行醇

潔澹泊自持分俸以給貧生部院交獎學者稱為楊夫子

尤邃名理之學所著有四書講義詩律舉隅周禮訂註等

書俱行於世擢澧州學正

萬厯府志
半山藏稿

劉三宅字可任山東壽光人萬厯三年由進士知縣事倂

儻有識幹遇事立斷邑多積逋督徵有方而賦以集

萬厯府志

養士惠民戢奸旌淑興利剔蠹邑之人咸悅而安焉擢吏

科給事中

半山藏稿

徐浩字養盛涇縣人隆慶中國子生為永嘉丞以文學飾

吏治每歲邑有清軍例錢數百金一無所取又欲大課士以廣科第前此未有也

涇縣志風海軼聞

陳其志字景湖萬厯初知縣事愷悌凝重能持大體修黷

序均徭賦簡獄訟嚴保甲懲豪猾士民安其教焉

平山藏稿

沈一德嘉善人萬厯癸酉舉人癸巳以崇明知縣改永嘉教諭誠懇端飭作士有方性澹泊於聲利無所嗜齋居寒素恬如也邑際望選不以一二干令君其介如此遷漳州

府教授

萬厯府志

林應翔同安人萬厯進士知縣事時屢患瘟疫思所以禳之乃擇海壇山麓地建五靈廟爲民驅疫祈福捐俸爲倡

永嘉縣志

卷之十

名宦

名宦

七

又扞塗田若干畝備春秋二祀至今咸頌其德

孫同元永嘉聞見錄

陸問禮字仲謀號衷虛常熟人前温州知府潤曾孫萬厯

三十二年進士知縣事勤政慎罰寬徭緩賦課士有程字

氓有惠御胥吏有威酬接士大夫有度禁溺女瘞齒骸殄

羣不逞有恩有法厯五載以懋績擢車駕郎民念之不去

口

周應期衷虛陸公生祠記

張朝綱字思勛同安人丙辰進士由麗水調永嘉有以白

金假海鮮獻者召郤之適富人子殺人善事郡守諸縣長

承守旨久不問朝綱治如法卒見忤歸

泉州府志

莊廷臣字龍祥號凝宇武進人萬厯庚戌進士知縣事先

是里中羣不逞聚黨劫良家子有艾姿者爲不肖廷臣初下車廉得立擒其豪數人斃之杖下羣奸懾伏愛民潔己素孚於民卓異天下清廉第一擢禮部主事仕至湖廣左布政年八十五卒邑故有生祠 國朝乾隆十二年禮部題准崇祀永嘉名宦卽以生祠爲專祠（武進陽湖合志莊鼎鉉方伯公年譜）戴相晉江人萬厯壬子舉人天啟壬戌進士知縣事悃悃無華安靜不擾有古循吏風後厯官御史（康熙志）

國朝

韓則愈字秋巖鄱陵人順治十六年以恩貢來知縣事時郡剗設督府主客兵四集則愈智環四應終不令譁於伍

一夕督府誅求亟則愈以郡方罹兵燹恣長吏敲扑不可
督府遽改容謝爲拜三灾疏請蠲則愈力也

季羽菴從政錄

王世顯字亦世號仙潛湖北漢陽人戊戌進士康熙元年
知縣事甫三月肅清吏弊軫恤民隱編審保甲均平無私
時嚴海禁鹽場俱遷棄界外民苦淡食世顯請內地煎燒
鹽商百計撓之不爲動釋三大冤獄邑有虎攫人世顯爲
文告於城隍神翌日虎死後因奸商鬻私捕得欲置之法
卒爲所中罷任去

漢陽續志舊
浙江通志

百姓奔走哀號後卒於杭

州

曝書
亭集

張熙仁和人康熙初訓導詞壇名宿就學舍談經盡春風

霽月之致衙齋設影堂奉其先必告必面督學胡公獎爲

純孝醇儒三年奉裁去多士思之

康熙府志

郭永振河南人貢生康熙十年任慈惠廉靜息訟宜民以老乞休因果舊餉羈馭不能自給士民饋薪米者踵至爲

醵金以輸其逋額焉

康熙志

馬琬字奉璋陝西武功人順治甲午舉人

康熙志作副榜拔貢今從宋擘

雙忠祠碑更正授山東昌樂知縣有惠政康熙十三年補永嘉明

決有才清敷圖籍不數月而化大行十三年逆藩耿精忠

叛浙東大震温州首被圍溫處道僉事陳公丹赤與琬謀

曰溫界閩越無溫是無浙也吾儕讀書誓以死守不濟義

不苟生約定登陴帥士民守禦而總兵祖宏勳通賊謀以兵脅丹赤於是陳甲伏於大觀亭集文武議兵皆露刃夾階立宏勳遽曰無兵無食何以守丹赤曰提標前鋒已集五千何謂無兵糧餉可給半年何謂無食宏勳語塞揮刀殺丹赤墜躍而起曰國家豢若輩反黨賊殺封疆大吏吾恥與若俱生罵不絕口遂同遇害事聞贈布政司參政廕一子入監子逸姿由廕生厯任江蘇參議督糧吳會四十二年
聖祖南巡上疏曰臣父瑛原任永嘉知縣康熙十三年值逆藩耿精忠之變與溫處道陳丹赤恪守臣節同時殉難荷蒙
皇恩矜恤屢下
溫綸從優議

敘贈臣父浙江布政司參政廕一子入監并 賜葬祭

三十六年請於溫州建雙忠祠復荷 俞允先是三十

十五年丹赤蒙 特恩賜諡三十八年 皇上南幸

浙江丹赤子湖州知府一夢恭迎 聖駕復荷軫念

御書扁額懸之忠祠榮被萬世臣父璿殉難與丹赤同時

賜祠又復同祀仰懇 皇上破格一體 賜諡

賜額昭垂萬世於是 制曰可 賜諡忠勤

御書旌勞葵忱四字額揭祠首實異數也楊志

鄭廷俊字公弼三韓正黃旗人康熙十四年任時僞帥盤踞甌城隨師進剿供辦芻糗著績行間十五年冬甌平下

車撫字招集流亡休息凋疲請蠲舊賦民賴以甦十七年
候調仍復原任葺學宮講鄉約修縣志創立義塾以教孤
寒政尙寬平遠鄉積逋躬歷勸諭無不輸將恐後士民愛
戴焉

康熙志

蔡啟份字均卿德清人順治甲午拔貢康熙十五年訓導
器宇端凝而接物和藹若坐春風崇祀典舉廢墜建儀門
督修文廟創朱文公祠孜孜以誘掖後進爲任

康熙志

王維新宣平人歲貢生康熙中教諭敦樸淵冲自處儉約
莅任輒修葺學宮遂兵勇嚴啟閉日惟講藝課士引迪不
倦人稱蘇湖模範擢隆德知縣

康熙志

夏光遠字用賓歸安人康熙庚寅歲貢永嘉訓導湖州府志性

嗜學耄年手不釋卷接諸生以至誠盎然如坐春風中以

子開衡貴封翰林院編修致仕去府志

張可大海豐進士康熙六十一年知縣事爲人儒雅以作

興文教爲己任月課諸生手加評隲捐廉獎給以示鼓勵

或招飲署中賦詩唱和預者榮之士氣倍奮永嘉素號劇

邑簿書盈几案可大雖酷耽書史不廢民事聽訟則致忠

慎催科則寓撫字清不戾俗介不迂取無何以註誤罷送

者塞路門下士餞於孤嶼各賦詩洒淚而別府志

邱兆熊宜黃人丙辰進士授永嘉知縣材幹強敏釐剔奸

弊不矯情以勵節不徇俗以要譽善聽訟卽隱情委曲者
無不洞徹剖判盡情學宮將圯請帑捐廉爲士民倡逾年
落成規制巍煥所費不貲而籌畫裕如陞昆明州知州士
民建祠於明倫堂左

府志

徐維綱字三立奉新人乾隆進士知縣事俗尙鬼巫妄言
禍福維綱使人重傷巫巫訴之庭曰無害也神必福汝已
而巫死集邑民諭之曰神不庇巫神無知也祀之何爲燬
其廟逐眾巫聞者稱快歲饑不俟報開倉賑恤永人德之
卽所燬巫廟祀焉

南昌府志

黃友教字雨堂湖南善化人乾隆丙午舉人嘉慶十年署

縣事歐去省會遠憫寒士不能赴秋試倡捐文成會以飲給之受惠者眾祀於鄉之際溪紀其事於石

湯志

黃元規字希齋福建平和人乾隆己酉舉人嘉慶十四年署縣事善折獄有枉必伸人稱神明邑人不忘功德祀之

際溪

湯志

周含萬字荔腴湖南靈鄉人癸未進士道光十六年八月知縣事清廉勤政禮士惠民始至大理積案獄囚幾空勤於課士以膏火微薄常捐廉獎給焉其高材生復召至署中錫宴以寵異之士氣大振軍士口糧向歸縣署給發多襍以糠粃含萬必親監視吏役無所售其姦時奉

旨

禁鴉片煙含萬勸諭百端約以三月爲限民多遵約自新者城內外河水淤塞親督民夫疏濬舟行無阻試院門外增建廊房爲士子臨場憩息之所鄉試旅費舊有文成會含萬少之復置千緡以佐焉竟以註誤罷十八年正月賦留別詩六章士紳屬和者百餘人有東嘉送行詩一冊傳於世

探訪冊

雷績

文武大僚州郡守倅非一邑之官也而其德教或被於
吾邑則志不得而畧焉於是異其名曰雷績蓋但紀其
功在斯邑者耳若其馳驅四方謳歌域外者則有通志
府志在矣

唐

韋庸會昌中温州刺史州西北水爲患庸築隄堰鑿湖十

里溉田郡人德之稱其湖曰會昌隄曰韋公

明一統志府志

宋

楊蟠字公濟章安人紹聖二年知温州視民如子定城中

三十六坊在任二年民愛若父母每風日妍麗老稚必問

曰太守出游否其得民如此著有後永嘉百咏

萬縣府志

劉士英武康人爲州學教授方臘陷處州州人爭具舟欲遁士英獨與郡茂才石礪治兵時糧籍保伍分其地爲八隅以鐘爲約令民聞鐘聲則趨所守堞未幾賊來攻拒守四十餘日官軍至賊潰去靖康初通判太原金人入城死之

南宋書

時有張洙任府學添設教授代錢觀復仍與觀復

士英協力守城有功時號宣和三教授俱廟食

萬縣府志石礪傳

元

夏若水至元開溫州路總管初至郡值歲歉廣招米艘民

賴以濟創永嘉書院

府志

左答納失里高昌人至正十年總管方國珍寇城官民逃散獨與千戶吳世顯黑的兒等擊却之賊退急治城郭繕甲兵爲守禦計比賊再至不敢近城

萬縣府志

明

黃信中餘千人永樂中知温州廉介自守在郡多異政永嘉有因盜殺一家三人者詞連疑似獄經年不具信中齋沐爲文控城隍遂鞠得王姓者冥殺狀論抵

府志

郁山字子靜華亭人嘉靖十年知温州府張少師孚敬於郡城建寶綸樓因大治第宅小民供役日以千計富者率

編使督工勞苦倦極山委曲斟酌歸於節省民稍稍安張
又求廣基地強市買不已山止之曰公今匝垣里餘而意
猶未足殆非所以善後張怒作色山不顧而出地亦迄不
再廣

獻徵錄

黃釗字珍夫安溪人由舉人厯官温州同知嘉靖三十四
年倭入犯釗擊走之知倭必再來日夜爲備又三年倭果
大至釗出城逆擊分軍爲三釗將中軍其二軍帥皆執袴
子約左右應援一軍疊石一軍鐵腸及與倭遇倭遣衆分
掩二軍而以銳卒當中軍釗發勁弩巨礮戰良久倭方不
支二軍帥望敵而潰倭合兵擊釗釗腹背受敵遂被執脅

之降不屈責以金賂劍笑且罵曰爾不知黃大夫不愛錢
耶倭怒裸而寸斬之子購屍不獲具衣冠葬事聞贈浙江
參議官一子有司建祠

明史忠義傳舊府志

楊邦憲巴陵人萬厯三年以南御史知温州甲戌水溢築
江埭以捍後患乙亥饑發粟徧賑巽山故有塔爲文筆峯
後廢丙子捐資倡建是秋果雋一魁以憂去郡建生祠於
巽山麓肖像祀之

府志

國朝

王國泰遼東人康熙十四年知温州郡城大火國泰默禱
於神風返火熄建赤帝廟於海壇山麓

府志

芮復傳字宗一號衣亭寶坻人雍正初知溫州升巡道創立中山書院修復東山書院以教育士子既去甌人士於孤嶼浩然樓側立祠肖像祀焉新纂

秦瀛字小峴號邃菴江蘇無錫舉人

欽賜內閣中書

歷遷郎中投溫處道居官廉惠好獎掖後進集諸生課文藝所拔皆雋才邑故設莊長督催錢糧役富民爲之充是役者輒爲吏胥魚肉率破家瀛廉得其弊擬革未果旋攝臬篆會生員呂從龍等展轉懇有司連不得直獨瀛力持之偕方伯謝公啟昆言之撫院得請勒碑申禁卒除之邑人感其德尸祝於先農祠側並立石肖像孤嶼後官刑部

右侍郎乞歸年七十有九

國朝先正
事畧採訪冊

池建功字立三黃巖人由世襲雲騎尉洊陞副將署温州
總兵咸豐三年溫遭水災四年春夏閒民多飢死僉議設
局施粥建功首出百金諭所屬將校勉力襄助由是守令
紳士無不樂輸者歷兩月餘全活甚衆士民立碑頌焉後

歷署福建提督卒

（國朝）
勅旨

金衍宗號岱峯秀水人庚申舉人任臨安教諭道光三十
年擢溫州教授崇尙漢學博通今古嘗謂孺悲傳士喪禮
功在羣經當從祀廟廷未可以辭疾一端揮之門牆之外
創論實確論也其在臨安時倡議祀字祖

黃帝史官
倉頡沮誦經師

漢河間獻王劉德等二十一人皆未從祀兩廡者於學以示報本勸學之意及來

溫適新修郡學落成輒申前議設神龕於尊經閣春秋二仲致祭一如臨安咸豐三年水災民乏食衍宗倡議施粥自煮赴局以賑之又勸諭紳富捐儲倉穀擇郡庠明倫堂西偏隙地勸建義倉捐存穀一千餘石嗣後陸續積至萬餘石皆其倡始之功也著有茗隱芻言甌隱芻言尊經閣祀典錄咸豐八年引疾歸郡人尸祝焉卒年八十餘採訪冊秦如虎號嘯山前陝安鎮總兵咸豐十一年閩督調赴溫州剿金錢會匪同治元年四月粵賊犯溫州如虎率師至郡城相持月餘大小數十戰卒破賊降之陞授浙江提督

詳見
兵事

李琬字暉東號蓮塘山東壽光人郡有東山書院逼近山麓易受溼蒸乃謀更諸夾壇卜吉於郡署東之中山創建中山書院規制宏敞置膏火田延師課士振興文教士林至今頌之整理育嬰堂增置塗田若干均有碑記又置珠浦嶺義冢一區定掩埋章程設土夫給以工食歲掩暴露以千計建鹽義倉永惠橋又於府署築中山亭西射堂皆有記莅任有年凡有益於士民者政無不舉後升任溫處道大修府學文廟其實事求是類如此

見府志應依目錄在芮復傳之次

封爵

漢

東甌王騶搖

史記東越列傳越東海王搖越王句踐之後姓騶氏秦已并天下與閩越王無諸皆

廢為君長以其地為閩中郡及諸侯叛秦無諸搖率越歸鄱陽令吳芮從諸侯滅秦是時項籍叛秦命弗王以故不附楚漢擊項籍無諸搖率越人佐漢漢五年復立無諸為閩越王王閩中故地都東冶孝惠三年舉高帝時越功曰閩王騶搖功多其民便附乃立搖為東海王都東甌世俗號為東甌王

吳

永寧侯孫綝

見三國志吳書

晉

永寧伯周馥

晉書本傳字祖宣汝南安成人代劉準為鎮東將軍討陳敏滅之以功封按通志晉

秩官

封爵

三

永嘉縣志

卷之十

三

永嘉今

永嘉縣

宋

永嘉王劉子仁

南史本傳字孝飭孝武第九子大明五年封

齊

永嘉郡王蕭昭粲

南齊書桂陽王昭粲傳太子第四子鬱林立以皇弟封

梁

永嘉縣公王僧辯

梁書本傳字君才太原祁人討破侯景遁封長寧縣公世祖卽位以功進

授鎮衛將軍

司徒改封

永嘉王蕭莊

元帝孫方等子以父征河東王軍敗溺死受封見南史忠烈世子方等傳

陳

永嘉王陳彥

南史本傳字承懿後主第三子至德元年封

永嘉縣侯錢道戡

南史本傳吳興長城人隋文帝平張彪於會稽以功封

唐

永嘉郡王李係

濟王瓌子天寶末封見舊唐書濟王瓌傳

永嘉郡王李暉

唐書宗室世系表江王房

五代吳越

永嘉侯錢傳璉

武肅王子見十國春秋元弼傳

宋

贈永嘉郡王趙允迪

東都事略周王元儼子

贈永嘉郡王趙士程

宋史宗室世系表商王房

失官

封爵

永嘉郡王趙克端

宋史宗室世系表郎國公房

永嘉郡王向宗良

東都事略字景弼以后恩累擢秀州刺史徽宗卽位封

永嘉郡公薛良朋

字秀益瑞安人敷文閣直學士見陳傅良薛公壙誌

永嘉縣男許及之

由禮部侍郎封見陳止齋集

永嘉縣男張叔椿

由諫議大夫封見陳止齋集

永嘉縣男張季樗

叔椿弟由中散大夫封見葉適張公墓誌

永嘉縣男陳傅良

字君舉瑞安人由朝議大夫封見樓鑰陳公神道碑

永嘉郡侯趙立夫

見黃淮范一齋處士墓誌按立夫字德成樂清人寶謨閣直學士

永嘉伯陳峴

平陽人見真德秀陳公墓誌

永嘉開國男戴桷

溪子朝請大夫見孫詒讓溫州經籍志

永嘉縣開國男陳昉

峴子見宋辛輔編年錄序

永嘉郡王趙禭

太祖十一年封見顧錫疇綱目

元

追封永嘉郡公陳景彥

輦真吃刺思曾祖

追封永嘉郡公陳永春

輦真吃刺思祖

追封溫國公陳自中

輦真吃刺思父俱永嘉人延祐二年封見劉賡陳氏世德碑

追封永嘉郡伯周汝臨

平陽人嗣德曾祖

贈永嘉郡侯周雷轟

嗣德祖並見蘇伯衡周公墓誌

追封永嘉縣男王由

虞集王知州墓誌字在之振騰父由奉訓大夫瑞安州知州飛騎尉

追封

明

東甌王朱當泚

明史諸王世表魯王後
四世成化二十二年封

永嘉郡公劉廷槐

青田人
基祖

永嘉郡公劉煥

基父俱洪武三年封見
蘇伯衡參政劉公墓誌

永嘉侯朱亮祖

六安人官浙江行省參政副李文忠守
杭州帥師討方國珍攻台州下仙居諸

縣進兵温州方明善拒戰擊敗
之洪武三年封見明史本傳

追封東甌王湯和

明史本傳字鼎臣濠人積功爲左御
史大夫拜征南將軍討方國珍浙東

悉定由海道抵福州執陳友定北伐西征皆有功封中
山侯十一年進封信國公既而倭寇上海和度地浙西

東並海設衛所城五十有九踰年城成明
年閩中城工竣和卒年七十追封東甌王

永嘉縣志卷之十

永嘉縣志卷之十一

選舉志一

舊志選舉在唐則僅載進士薛正明一人餘俱斷自宋始科目之多宋爲最明亞之元殆弗如也至徵辟雜流亦惟宋明爲盛我

朝二百餘年科目雖不絕書然已視昔稍遜矣膺徵辟者僅三人雜途亦寥寥無幾豈天運有盈虛地運有盛衰抑亦人才有消長耳誠使邑之人士奮然自立杞梓鳳麟何必今異於昔耶茲因舊志所載稍加釐訂分爲八類其行業可紀者別詳人物云

薦辟

取士之典自隋以下雖用科舉不廢薦辟宋元

國朝

特設博學鴻詞孝廉方正兩科亦監前代之制而通

變之耳舊志名為諸科於宋元則臚列其目而明則

錯雜書之稍乖於例矣今統括之曰薦辟

宋

按宋史選舉志分科目學校試為二門科目者進士武

舉之外諸科制科皆是也學校試者國子薦太學舍選

等是也舊志學校試夾入科目

八行科

按宋史選舉志崇寧間初立八行科詔士有孝弟睦惻任恤忠和八行者貢入太學免試補為上舍

仰

忻傳詳孝友

丁廉夫

昌期次子

張燁

進士

方煜

傳詳隱逸

賢良方正科

宋史選舉志咸平四年詔令學士兩省御史臺尚書省諸司舉賢良方正之士各一人仁

宗初又增其名曰賢良

方正能直言極諫科

王開祖

進士

陳寶之

名瑾以字行號研軒大理寺丞

胡宗

進士按舊志佚據政槐集補

孝廉科

按景德元年詔舉孝廉

薛啓

戴仔

詳傳附戴蒙

宏詞科

宋史選舉志紹聖初置宏詞科歲許進士及第者詣禮部請試率以春試上舍生附試大觀四年改

立詞學兼茂科高宗立博學宏詞科理宗三年去宏博二字止稱詞學科

王劭

進士

謝任

鮑軻

進士按舊志失載舊歷府志瑞安人考葉適鮑軻公墓誌七世祖皓皓生守忠皆官於永嘉遂為

永嘉人高祖軻太常少卿則軻非瑞安人明矣今補正

薛嘉言

進士

李仲意

知真陽縣萬曆府志載駙馬采史無考

童子舉

宋史選舉志有童子舉凡童子十五歲以下能通經作詩賦州升諸朝天子親試之免舉命官無常

格按舊志作神童科

薛元禮

潘起予

嚴覲

陳逢吉

學究科

宋史選舉志有學究科凡學究毛詩對墨義五十條論語十條爾雅考經共十條周易尚書各二十

條五

孔宗閏

集賢校理

薛唐

集賢校理

顏熙務

蔣惠

檢校國子祭酒

朱利涉

正字

明法科

宋史選舉志凡明法對律令四十條兼經並同毛詩之制神宗朝又立新科明法按舊志作法科脫

去明字

蓋失攷

徐瑄傳詳介節

劉顥司直

劉謹按萬曆府志作瑾

陳顥見特奏名科

兩科宋史選舉志元祐四年立經義詩賦兩科

潘文虎見武科

上書按宋建炎兵興雜流補授者衆有曰上書獻策係閫帥假便宜承制除擢紹興和議後立格購求遺書亦

命以官又上書獻頌亦補官

鮑極軻子宿州教授黃叔炎按直齋書錄解題有春秋通說永嘉黃仲

炎若晦撰疑叔炎即仲炎之謫胡屋監酒稅序之孫

蔣焱按以上四人府志作進書補官陳餘師

林延年

王益大傳詳介節

漕舉類試

宋史選舉志景祐初士有親戚仕本州或為發解官及侍親遠宦距本州二千里令轉運司類

試以十率之取三人

宋應期

宋培亨

曹茂洪

毛鎮

毛彝

宋龍孫

林松年

劉址

吳震發

吳元發

徐霆

傳詳宦績

蔣純大

潘希文

按舊志職官元教諭有潘希文疑即此人

周學古

傳詳文苑

項豹文

公案父郡城棣華坊人

鄉薦

按卽州郡發解唐時謂之舉人貢進士元明後謂之舉人

宋習周

劉安禮

傳附劉安節詳儒林

劉復

仰師尹

子忻

仰師中

子忻

毛繼父

潘及

阮守道

阮壽南

阮鎧

阮環

萬麻府志作阮環

林一鳳

張鉉

見武科

潘希可

梅時舉

傳詳文苑

黃旦

均州倅按萬麻府志不載

陳聖元 傳詳文苑

劉詡 據從兄按舊志佚

胡一桂 傳詳儒林

王勝 天性嚴毅博通經史歷官樞密院都承旨

按舊志不載

朱弼 字文叔珍溪里人進士通之弟歷福州長

溪尉監潘葑酒庫終監潭州南嶽廟

按舊志佚今據吳幼存朱君廣誌補

按舊志潘希可下有阮存旁註進士有傳考宋進士題名並無其人人物所載乃明時人胡一桂下有翁

卷考翁卷樂清人俱舊志誤今削又萬麻府志

人物文苑有姚樞宋季領鄉薦此處不載俟考

薦舉宋史選舉志科目既廣猶慮不能盡致天下之士命州郡搜羅公卿得以薦言按薦舉之目甚多如開寶

三年詔舉文學咸平三年令諸州舉武藝治平三年命宰執舉館職此類皆是

侯觀 正臣子按舊志佚據陸佃鮑夫人墓誌補

王綽 傳詳文苑

阮守道 已見鄉薦

劉煒

劉嗣厚

胡子實

儒林傳詳

國子薦

宋史選舉志景德間許文武升朝官嫡親附國學取解而遠鄉久寓京師文藝可稱亦聽附學充貢

蔣元中

儒林傳詳

李去智

劉安雅

張孝惇

張居簡

張居正

太學舍選

按舊志作論秀科蓋即崇寧舍法論秀選升為太學上舍

李元龜

胡萬

王一發

按萬縣府志不載舊志載一發臨城教諭考宋無教諭官名疑舊志誤

附諸榜補遺

陳大紀進士

來然

劉泰

魯世英

劉

誠舊志作承

劉泰初

戴溱

戴栢

黃

杰號州守

黃

相

御史按二人萬厯府志不載

按舊志黃杰下有孔宗閏陳莊考宗閏見學究科陳莊見上舍釋褐今削又舊志諸科有聽讀載周端朝陳宜中二人考宋史選舉志並無聽讀科目惟初置國子監詔清要官親戚入監聽讀又有太學生謫為諸州聽讀者端朝嘗官太學錄宜中入太學以觸丁大全之忌削籍拘管他州或即其事第聽讀究非科目而二人又已

見進士今削

元

續文獻通考皇慶二年舉孝廉賢良方正三年詔年二十五以上有鄉黨稱其孝弟朋友悅其信義經明行脩

儒術醇謹學行優長者結狀保舉以禮敦遣咨諸路府
元史選舉志延祐間策名薦舉者有遺逸有茂異有求
言有進書有童子按舊志僅載神童二人薦舉三人今
歷採諸書視其官職有合於元史薦舉出身者雖科目
未詳俱附載於後云

童子舉

按舊志作神童科

薛元德

字在心號理菴按玉海後序結銜載官鄞郡學正

郭九疇

遺逸

陳華祖

傳詳文苑

茂異

曹濬

字新民後洪武初年為松江分教遂占籍松江

永嘉縣志

卷之十一

選舉

薦辟

木

附科目無考

張沫

本學教諭

王仁

傳詳義行

王隆

教諭

王與

傳附王益大詳介節

宋眉年

傳詳宦績

趙由信

宗晦書院山長

黃南一

宋檢法衮曾孫明正書院山長

陳天祐

字孝章號可竹西安教諭

繆端友

本學教諭按松陽縣志作松陽教諭永嘉人

林堂

宋進士璚子處州路教授

吳公鉞

字元佐至大二年任麗水教諭

王寄

字百里至大二年任麗水教諭

李焱

字德光天厯二年任麗水教諭

汪鼎新

字進卿平陽州教學行文章為溫儒宗居郡城墨池坊門人因其自號稱曰桐陽公見蘇伯衡

汪夫人墓誌

洪 濤 傳詳文苑

洪元誠 至正九年典教富陽見劉基富陽重脩文苑

廟學宮記

張天英 傳詳文苑

薛 漢 傳詳文苑

黃應發 明少保淮曾祖松陽教諭

林 常 傳附林溫

明 明史選舉志洪武六年罷科舉令有司察舉賢才其目曰聰明正直曰賢良方正曰孝弟力田曰儒士曰秀才曰人才曰耆老又嘗詔舉經明行脩練達時務之士及年六十以上七十以下者舊志由善書吏員善醫舉者俱列諸科考洪武十九年嘗詔臣工推舉下至倉庫司局然明制三途並用凡吏員承差知印書算篆書譯字通事俱稱雜流今退列雜選至科目未詳者間為考訂附後餘則仍歸雜選云

明經

梅 頤 字昌年號廷菴廬都昌主簿夔州通判著有蘇閣存稿養正蒙求

伍德脩

本學訓導

趙璫

本學訓導

劉南金

字貢禹歷海州學正本府訓導

胡瑛

本學訓導按萬厓府志瑛作英

項靖

順天照磨壽百歲

林士賢

本學教諭按永嘉新廟學碑作訓導

戴素

本府學訓

李復仁

黃州知事

婁盛

藍德教諭

薛仲南

安溪教諭

王溥

本學訓導

吳彥時

將樂訓導

胡鼎

定陶知縣

劉觀

本府學訓按觀字朝摺南金伯子編脩現

兄嘗典京闈文衡爲楊東里諸人所器

張謙

太學正著有易本義集說按舊志佚據東

嘉先哲錄補

秀才

曹介字子直監
察御史

羅景賜授承
敕郎

支立中建寧府
知府

姜士衡信豐縣
丞

裴忠廣信府
知事

張文振兵馬
指揮

人才

項士斌傳附項士
武詳義行

趙友禮歷應天瓊州兩府知
事按二人舊志佚據

介菴集補

陳允淮廣州同知按舊
志作黃州

趙光轉龍南縣
知縣

曹春彭澤縣
知縣

夏晟絳州
同知

鄒永言重慶
同知

儒士

黃燦傳詳
藝術

趙式中書
舍人

項秉輔

班序

王漢

班序

葉幼學

號雪坡嘉靖初薦脩明倫大典授翰林院待詔陞侍書

王良慶

漢子序班

張郡

字松泉孚敬猶子歷光祿寺署丞廣西通

判

張養廉

歷匡州吏目上林錄事

項文言

喬子沔陽通判

包容

傳詳藝術

虞仇

傳詳藝術

耆老

潘暉輕

湘潭知縣

賢良

謝道盛

永樂間舉庭循族子按舊志供據鶴陽謝氏家集補

附科目無考

鄭思先

福建布政使

陳燧

字民初元末福建行省左右司員外郎明

初授廣州訓導

楊升

文苑

梅珪

字秉玉本府教授

許士宏

洪武三年親擢教官授監察御史

徐參

字中行本郡訓導

陳亢宗

名宗以字行歷兵部員外郎南康知縣

游性

嘉靖時衡山教諭

國朝

孝廉方正

陳繼志

字紹庭通道里人咸豐歲貢性至孝執親喪街哀致誠家貧不遂浮利課徒自給言行端謹士

林式之同治初舉孝廉方正不願入仕以壽終知縣錢國珍賻之並輓以詩云

嚴秀瑩

字蓉卿梯華里人以孝友聞學有根柢屢薦不售由恩貢就教有幹濟才粵匪寇溫籌防理

饒事平獎光祿寺署正銜同治初舉

孝廉方正入都未及廷試而卒

繆經鎔

字範亭簡訟坊人廩貢捐訓導署錢塘教諭性孝友長厚可風同治初舉孝廉方正朝考一

等以知縣

指分江蘇

進士

進士之科始設於隋大業間唐仍其名而有甲第乙第之分宋則專以甲名分而為五元明以

來分三甲而已舊志此門所載頗詳茲仍其舊而以宋之上舍釋褐特奏名科

國朝之恩榜進士附焉重恩賜也

唐唐書選舉志唐取士之科其目有進士

天祐三年丙寅

薛正明

文房院使按通志載進士科分無考

宋

宋史選舉志宋之科目有諸科有武舉常選之外又有制科而進士得人為盛

天聖二年甲子

宋郊榜

朱士廉

明州司理

天聖五年丁卯

王堯臣榜

鮑

軻

御史按葉適鮑瀾墓誌載軻太常少卿

景祐元年甲戌

張唐卿榜

朱士衡

士廉弟著作佐郎知歸州

慶厯二年壬午

楊寅榜按康熙府志作癸未誤

侯正臣

屯田郎中贈開府儀同三司

慶厯六年丙戌

賈黯榜

周豫

行己從祖司封郎中

蔣

宣德郎按二舊志誤作字今據許橫塘集

皇祐五年癸巳

鄭獬榜

王開祖

傳詳儒林

嘉祐六年辛丑

王俊民榜

周 泳 豫兄子
磁州倅

治平二年乙巳 彭汝
彌榜

戴士先 知鹽官縣按通
志作士元誤

鮑朝孺 通志作朝儒按舊志
載軻子潤州倅考渠

適鮑公墓誌高祖軻太常少卿
曾祖極宿州教授朝孺未詳

治平四年丁未 許安
世榜

王 蒙 婺州
倅

熙寧三年庚戌 葉祖
治榜

林 露

元豐二年己未 時彥
榜

薛强立 傳詳
宦績

元豐八年乙丑

焦蹈榜

侯 渙

正臣子廣東提刑贈大中大夫按陸佃鮑夫人墓誌作長洲丞

元祐三年戊辰

李常寧榜

朱師回

肇慶府士曹

元祐六年辛未

馬涓榜

周行己

儒林傳詳

張時憲

時敏弟上虞丞

紹聖元年甲戌

畢漸榜

沈希稷

傳詳宦績

宋之珍

傳詳介節

丁志夫

傳詳宦績按言志佚萬厓府志誤作瑞安人今據橫塘集補正

紹聖四年丁丑

何昌言榜

劉安上傳詳儒林

王公輔朝請大夫

王公彥傳詳介節

元符三年庚辰李奎榜

王邵陝西倉提舉按萬厯府志載崇寧五年以贛令中宏詞而宏詞科題名又作王劭未知孰是

劉安節傳詳儒林

孫潮

戴述傳詳儒林

崇寧二年癸未霍端友榜

何天衢常州守按宋史能之毘陵志常無天衢名今仍舊志俟考

大觀三年己丑賈安宅榜

陳充太府寺丞

胡鑑舊志作吳鑑今從萬厯府志

吳鼎臣

廣州教授

吳表臣

傳詳名臣

按舊志是科有倪濤左司郎中
宋史文苑傳作廣德軍人今削考

政和二年壬辰

莫儔榜

婁寅亮

傳詳名臣

陳蕃

知吳江

張輝

傳詳儒林

薛弼

傳詳宦績

周公才

監奏進院

政和五年乙未

何桌榜

王儒卿

薛嘉言

傳附薛強立詳宦績

潘蔚

休寧丞

重和元年戊戌

王昂榜

劉天衢知龍泉

費季文諸暨丞

周寓江州錄參

〔按乾隆府志〕引康熙志是科有王彥覺淮南參議省府志無

宣和三年辛丑何渙榜

林季仲傳詳名臣

林松

何子發金華簿

張孝忱泉州錄事

宣和六年甲辰沈晦榜

張闡傳詳名臣

林叔豹傳附林季仲詳名臣

建炎二年戊申李易榜

宋敦樸傳附宋之珍詳介節

薛徽言傳詳名臣

紹興二年壬子

張九成榜

楊興宋

撫州教授

魏憲

秀州倅

黃袞

傳詳宦績

陳一鶚

傳詳儒林

蔣善昭

信州教授

陳無逸

知長溪

林昌言

吳華

奉新尉

楊邦彥

知瑞昌

何子端

楚州教授

王鞏

潮州守

紹興五年乙卯

汪應辰榜原名洋

何逢源

傳詳宦績

林仲熊

季仲弟沅州倅

劉贊

諸王宮教授

潘文孝

字少穎太常寺簿按通志作文學誤

胡哀傳附胡襄詳名臣按哀舊志作襄萬厯府志作

滁州倖又陳止齋胡少賓墓誌荆湖制置司幹辦公事

君諱襄通判滁州君諱哀滁州竟官不達死幹辦以布

衣從岳飛定羣盜得官以死不言襄登第其為哀無疑今更正

蔣偉閩清梅興化孫仲鼇使金吳康傳詳

紹興八年戊午黃公

林季狸季仲弟潘文饒字明則文孝兄建寧

士所夏元輔義烏

胡庚處州薛直言教授

萬忠顯融州仰文蔚政和

劉安矩

潭州司法

魏邦基

處州教授

胡襄

傳詳名臣

薛叔淵

建教子福授

陳亨朝

一鶚弟歷長溪知縣棗陽軍使

紹興十二年壬戌

陳誠之榜

陳鵬飛

儒林傳詳

何溥

傳詳名臣

宋敦書

子之珍從知州

盧葦

黃巖丞

劉貢

知制參

盧汝弼

福州教授

周昇

湖南運使按萬厯府志作運判

李敦德

長溪丞

梅克明

嚴州倅

項膺

傳附丁康臣詳宦績

葉宗詠

臨安倅

葉之淵

溫德簿

何作哲朝奉郎平江倅

王墨卿博士

按葉宗詠葉之淵何作哲通志不載

紹興十五年乙丑劉章榜

胡克己知安陽

吳大年鼎臣子御史臺簿

鄭伯熊傳詳儒林

盧傅霖宗正丞

王阜福建運幹

吳龜年表臣子歷檢正諸房文字湖南運判按舊

志作運副

潘文禮文饒弟知金壇

費公權新州教授

鮑格非知常熟

翁萬春知新建

紹興十八年戊辰王佐榜

永嘉縣志

卷之十一

三

葉

翊知寧鄉按同年小錄四甲第二十九人字君舉
翊小名寅孫小字寅叔一舉貫永嘉縣膺符鄉蕭

洲里

潘庭翼

舊志佚按同年小錄五甲第四十九人字

揚卿小名汝翼小字元成一舉貫永嘉縣清通鄉邊鄰里

吳邵年

表臣子西外宗教按同年小錄五甲第七十人
字聞叔小名朝孫小字華老二舉貫永嘉縣豐

年坊右隅

林思永

季仲子朝請郎福州

第八十四人字致遠小名申孫一舉貫永嘉縣新

河北界棣華里又考黃巖志康熙二年任黃巖令
按乾隆府志載康熙志是科有胡序考陳傅良胡少

賓墓誌序字少賓監湖州酒稅不言序登第且是科

紹興二十一年辛未

趙達榜

林思誠

傳附丁康臣詳宦績

石仲達

礪子廣德司戶

何伯益 伯謹弟 知青田 陳士表 衢州教授

丁長卿 字晉叔 衢州倅按黃巖縣丞 紹興十三年任

鄭伯海 傳附鄭伯 熊詳儒林 李異 知舒州

蔣行簡 傳詳 宜績 孫處厚 國子監博士

何伯謹 傳詳 宜績 徐大亨 南昌教授

陳巖 永州倅 葉仲翔 湖州倅按通志及康熙府志作仲翔

陳士英 邕州倅康熙府志作邕州守 盧珉 運管

沈穎 閩縣尉

紹興二十四年甲戌 張孝祥榜

鮑文遠 知監 丁康臣 昌期孫傳詳官績

沈興傑

臨安傳

張鶚

福清丞

余仲忱

婺州倅余閔從祖通志誤作徐仲悅

韓致堯

平陽丞

劉苾

古田丞

鄭逸民

知嶧縣

紹興二十七年丁丑

王十朋榜

沈大節

知攸縣

葉亨中

韶州判官

林思紹

滁州守

宋傅

傳附宋慶之詳文苑按葉適宋公墓誌作

二十四年進士

丁康時

康臣弟天台尉

盧雯

羅源尉按通志作盧文

劉邦傑

信州錄參

林思問

季仲從子潭州倅

戴雄飛

永豐簿

吳己正

撫州教授一作永州教授按舊志誤作正己今據二老堂詩話更正

紹興三十年庚辰梁克家榜

張孝愷傳附張輝

李唐卿傳詳

劉甄夫信州守

諸葛說傳詳

夏允迪建昌教授

林思齊泉州守

葉之儀辰州守

葉之望字子周知鹽官按黃巖縣志乾道五年任

黃巖丞

陳執剛嚴州倅

蔣韶潮州倅

何紘傳詳

隆興元年癸未木待問榜

木待問傳詳

鄭伯英傳附鄭伯熊詳儒林

項頤字用中監大軍倉

許及之傳詳

鍾嶽監臨安稅

方叔珪興化守

鄭稱辰州教授

林貴任定海簿

張仲可潭州參錄

余閎仲忱從孫英州守按

登者有余參議光遠考是科温州

姓余者惟一光遠當即其字

張居易清知福

虞鼎撫州教授

翁珽泉州教授按

鍾應辰筠州教授

毛璿江知浦

張叔椿號春卿闡子吏部尚書鎮江守

周去非傳附周行

王仲卿黃州倅

李椿齡監南嶽廟

乾道二年丙戌蕭國樑榜

王

柑

傳詳
宦績

薛

紹

傳詳
宦績

盧

瑀

知麗水按處州
府志載知松陽

劉

仲光

傳詳
介節

吳

薦

仙居
丞

王

克俊

南外
宗教

鮑義叔

江陰判一
作江陰令

沈

大任

蔡致一

汀州
推官

乾道五年己丑

鄭僑
榜

毛

密

傳詳
宦績

何

植

泉州
節推

劉子政

泰安
簿

申

屠寅

江東
參議

謝

雱

傳詳
文苑

乾道八年壬辰

黃定
榜

鮑 瀟 傳詳
宦績

陳 謙 傳詳
宦績

周 簡 撫州
司法

劉 春 字端木
儀從兄
台州教授

潘 雷 煥 字省之
知上饒
按薛叔似
傳詳名臣
按宋史
係國子釋褐

潘 宇 袁州
教授

胡 虞 婺州
監酒

徐 槐 字叔楸
長樂簿

孫 岑 連江
簿

清熙二年乙未 詹駉

戴 闔 之 厚從姪
婺州倅
按陳傳良
宣教郎
知上虞

翁 宏 湖州
教授

蕭 用 章 知常熟
萬厓府
志作知常山

沈 淳 之 知松
溪

清熙五年戊戌 姚穎
榜

葉適傳詳名臣

周緒字習夫去非弟慈利簿

戴溪厚從姪傳詳儒林

任汝弼知同昌

徐自明傳詳文苑

趙巽臨江錄參

陳季雅傳詳文苑

王覺監省倉門

周栗麗水丞

淳熙八年辛丑榜黃由

潘季禮餘杭簿

何次常叔忱從兄仙居簿

鮑楫知建平

劉有聞贛州教授

盧永年字仲脩江州僉判按黃巖志慶元元年任黃巖令

王允初傳詳宦績

李允升

葉正

建寧錄參

解邦俊

臨江守按康熙志作初俊

何叔忱

伯益子主管崇道觀

楊恪

字謹仲知博羅

鄭元鼎

大理丞

方叔瑜

淳熙十一年甲辰

衛涇榜

薛洽

傳詳義行

陳梅叟

黃州倅著有尚書說

林士謙

季仲孫

馮穎叔

常州司戶

葉之易

知松陽

婁世初

寅亮姪楚州教授

謝天錫

威武僉判

鮑謂

知涇縣

毛忠卿

淮西提舉

章大蒙

嚴州倅

陳子約

興化簿

清熙十四年丁未

王容榜

宋億

傳附宋之珍詳介節

劉再

廬州錄參

諸葛賁

樂平丞按通志作樂平令

何叔智

蔣純臣

贛州倅

劉升之

周寓

按萬麻府志作寓

周若思

教授

管文昭

江陵司戶

陳龜年

傳詳宦績

潘霆

字材叔安豐守按通志作安豐令考宋史地理志淮南西路有安豐軍壽春府有安豐縣未知

執是

紹熙元年庚戌

余復榜

周景南

判官

陳畏

傳詳介節

鄭 旣 知慈溪

李伯鉅 龍泉簿

方仲遠 大府寺丞按舊志作仁遠

戴 至

徐思溶 臨安簿

鄭伯謙 傳附胡一桂詳儒林

潘惟一

馮 遇 知分水

陳元粹 寶慶倅

戴 埜 傳詳儒林

張哲甫

顏 鑄

朱 通 字彥達小字文飾珍溪人歷玉山簿監德丞南外宗教終監潭州南嶽廟

趙師秀 傳詳文苑

童 蒙

紹熙四年癸丑 陳亮榜

林士尹 傳詳宦績按通志作之尹誤

胡 宗 傳詳文苑

許成之

國子監簿

黃武子

張東野

孝愷子字孟阜泰興簿

木思川

待問兄

沈周

陳揆

字幼瑞經魁湖南提幹

薛沅

季宣子建安簿

董履道

監登聞鼓院

劉議

按萬厯府志作儀

慶元二年丙辰

鄒應龍榜

上官得之

陳烈

知蘆陽

徐瑤

吉州教授

朱夢龍

廣西運使

張灌

闡孫季樗四子常州教授舊志作闡子誤

許經

字虔常及之從子南雄守

薛叔灌

嚴州守

陳大紀

傳詳
宦績

乾隆府志按通志分朱夢龍以上為乙卯鄒應龍榜張
灌以下為丙辰周虎榜攷登科記慶元二年丙辰賜進
士鄒應龍等及第慶元元年未嘗
貢舉二年狀元亦非周虎今從之

慶元五年己未

曾從
龍榜

陳道原

贛州
教授

虞元善

盧祖皋

傳詳
文苑

林畧

傳詳
名臣

葉春

泉州
錄參

侯敞

陳京

薛龜從

紹次子衢州倅按葉
適薛公墓誌作湖州

司
法

嘉泰二年壬戌

傳行
簡榜

蔡雷煥

虞達煥坑冶官

陳增

增地兄臨海令按舊志作知順昌

黃時憲建康錄參

高不倚

少傳世則曾孫蒙城人徙永嘉浙西司幹舊志作浙東帥幹

張燁

燁關孫季子

趙善澹

主官管院

周去奢

分益尉

趙善翰

泰州守

開禧元年乙丑

毛自榜

余慶裔

宗教按通志說姓徐

方來

傳詳官績

許正夫

徐方夫

周南一

太平教授

嘉定元年戊辰

鄭自誠榜

宋

任

之珍從孫沅州守按舊志佚厲縣府志作瑞安人誤今補正

宋

倚

之珍從孫大社令

范昌世

斯

澤

南康丞

周果

州守

戴

栩

溪孫傳詳文苑

許紳

黃德清

陳止善

靖安尉一作韶州司理埴弟按舊志作諫

弟誤

嘉定四年辛未

趙建大榜

趙建大

狀元工部尚書

陳允誠

懷安尉

林栗

周端朝

省元傳詳名臣

宋植

知縣

薛師中

項博文

嚴州守

嚴廣淵

蘭溪簿

林木

按舊志是科有趙崇奎攷萬厯府志及通志俱作瑞安人

嘉定七年甲戌

袁甫榜

陳埴

增弟傳詳儒林

陸子重

蔡圓

趙希吉

趙汝回

傳詳文苑

夏祐

傳詳介節

趙希哲

知惠州按萬厯府志作希啓

章俶

嘉定十年丁丑

吳潛榜

黃良臣

知弋陽

徐詹

按萬厯府志作徐詹

選舉

進士

三

劉君選

戴槃

知縣

楊渭起

趙清夫

朱景彝

通族子古田簿按舊志載將作監

趙崇滋

汝回從子傳詳文苑按省志失載

趙時懋

嘉定十三年庚辰

劉渭榜

陳璞

浙西憲幹按萬厯府志作樸

潘斗建

希白父福建帥參

趙希邊

雄州守

陳巨源

葉味道

儒林傳詳

嘉定十六年癸未

蔣重珍榜

謝夢生

傳詳文苑

陳南一

資善堂說書

吳震一

謝子強傳詳宜績

徐桂臣

潘驥建康守

葉杲

東山人字謙夫史館檢閱

劉三益

潘厚

高謙之按通志失載

趙崇齋

太宗九世孫

寶慶二年丙戌王會龍榜

翁永年

傳詳宜績按通志失載

趙希諮

陳應已

胡應梅

宋枏

之珍從曾孫知縣按通志失載

趙汝璧

崇滋父道州倅

趙崇璚

戴棗

紹定二年己丑黃樸榜

薛 嶠知處饒二州按萬厯府志作蒙 宋 拱之珍從曾孫知侯官

諸葛遇字時可紹定三年任黃巖尉 毛元龍參制

劉祖漢 趙善得傳詳文苑

吳舜龍傳詳介節

按舊志有朱直清通志及萬厯府志俱不載蓋據譜牒錄入又舊志人物傳潘凱登紹定第科分無攷附議於此

嘉熙二年戊戌周坦榜

陳紹庭 陳 將

潘起予郎中 趙希瑤按通志失載

趙若潭

蔣廷玉

司戶按通志作連玉今從萬縣府志

盧方春

號柳南工詩著有盧柳南小簡按舊志作省元文獻通考選舉考載嘉熙二年省元繆烈非盧

方春疑舊志誤

薛

嶠

慶元守

陳利用

趙崇爽

陳堂

饒州倅

按乾隆府志載康熙縣志有王裕官撫州判攷省志及萬縣府志俱無又通志有趙必雷永嘉人萬縣府志作

瑞安人附議俟攷

淳祐元年辛丑

徐儼夫榜

吳

灤

表臣曾孫傳詳儒林

趙汝桀

全州守

戴

侗

傳附戴蒙詳儒林

劉良貴

侍郎

淳祐四年甲辰雷夢炎榜

翁壽傳詳儒林按舊志淳祐辛丑有翁夔攷藥清志

是樂清人但萬厓府志已作永嘉人今姑從之仍錄嚴壽而削夔名不載

薛峻弼四世孫傳附薛師石詳文苑林裕傳詳

陳一愚麻絨安懷

林易傳附林裕詳宦績項公采文豹子按舊志作提刑攷項喬族譜末序

狀作知台李吐琇按康熙府志作吐秀今從萬厓府志

余夢洪舊志據通志補萬厓府志失載

淳祐七年丁未張淵微榜

陳案趙與霆傳詳

劉錫國子簿

趙必槐傳附趙崇滋詳文苑

薛元龍司理

趙希聽監豐儲倉

趙與迥

劉鎔鎮江倅

張璚運使

李夢震

趙與琇傳附趙與霆詳宦績

淳祐十年庚戌方逢辰榜

戴慶炯傳詳名臣按通志落炯字

方夢玉

王合

葉忠正潮州守按憲府志忠作中

趙崇謐

蔣夢發

沈因夏

趙希喤

寶祐元年癸丑姚勉榜

楊京孫
潘希白傳詳文苑

趙汝案嘉興倅
林夢來台州倅

趙必杉崇滋子知宣城按舊志作必彩誤今從萬厯府志

葉桂發
林棟

吳炳廣德倅
李牂

趙汝案善得子

寶祐四年丙辰文天祥榜

潘希聖朝請大夫傳詳文苑按登科錄一甲第十五人字養蒙小名經小字希聖一舉本貫臨安府現

居永嘉縣
樊汝霖按舊志佚萬厯府志作瑞安人考登科錄

三甲第九人字澤霖小名應

龍二舉貫永嘉縣吹臺鄉

羅林登科錄三甲第三十八人字森父小名承季小

孫益大登科錄三甲第五十一人字君重一舉本貫

李君錫傳詳文苑按登科錄三甲第

周燾登科錄四甲第一百五十六人字公輔小

陳子元登科錄四甲第一百六十八人字體仁

趙珍夫登科錄四甲第二百七十七人字

趙必瑛登科錄四甲第二百四十五人字希明小名必

嘉人而登科錄不言

寄居永嘉蓋有脫文

薛嶠傳附薛高詳介節登科錄五甲第三十八人字

陳實登科錄五甲第十五人字公是小名愿小字重叔一舉貫永嘉縣按舊志佚平陽志作平陽

鮑同孫登科錄五甲第一百十四人字子遠一舉

薛埴建寧人按登科錄五甲第一百七十三人

一舉貫永嘉縣在城按舊志地作瑱

按萬府志有朱鑒孫永嘉人太常簿乾隆府志作樂清人攷登科錄鑒孫本貫臨安府仁和縣寄居温州縣

分無攷

開慶元年己未周震炎榜

王臺侍郎侍陳夢虎侍郎侍

鮑逖監倉門張瑾

趙若樞陳應騏

劉翔龍

趙與復

景定三年壬戌方山京榜

陳宜中

榜眼傳詳名臣

丁一鳳

趙崇禎

善得孫

林

璫

武孫傳詳介節按舊志璫作璫今從柳貫

林公墓碑銘更正

黃龍高

趙孟琚

趙與至

葉天得

按舊志作姓趙今據省志及萬厯府志更正

王 鯉

趙與芙

鮑 垓

按通志失載

趙孟滉

徐天祐

按瑞安泰順兩志俱載攷萬厯府志永嘉人

陳

進

舊志佚攷黃淮介菴集陳敏墓誌載進登進士第與丞相宜中聯榜官至殿奏今補

乾隆府志引康熙志是科有全庚官揚州守攷省志及萬厯府志俱不載

咸淳元年乙丑

阮登炳榜

陳虞之

傳詳忠義

何應龍

林永年

左史

徐龍雲

徐重望

趙善勝

趙與壑

趙風夫

按萬厯府志風作風

趙孟德

趙堽夫

趙由珍

趙與燧

諸葛復明

趙時締

劉次中

知閩縣

趙硠夫

趙希造

按舊志造作進今從萬縣府志

趙崇璵

按萬縣府志不詳縣分姑仍舊志

李時靜

字彥山

朱慶之

傳詳文苑

趙與倬

按萬縣府志不詳縣分姑仍舊志

趙與蓮

趙與渙

趙與瑩

趙必朵

趙與鈕

按萬縣府志不詳縣分姑仍舊志

趙與倬

趙崇汰

按萬縣府志不詳縣分姑仍舊志

趙汝葵

嘉興作

趙與奎

趙崇驥

趙若桃

趙必埜

趙與傾

按趙崇驥四人萬縣府志俱不詳縣分姑

仍舊志

趙必樓崇滋子知貴溪

趙與鐸

舊志佚乾隆府志作樂清人及萬厯府志及通志永嘉人

咸淳四年戊辰

陳文龍榜

汪大有

字中父狀元坊人歷慶元府推官太學博士按舊志佚據萬厯府志補

戴仁壽

授教

鄭琥

張觀光

授教

翁潛子

陳自中

傳詳忠義

周忠嘉

陳邦達

陳垌

宋朋年

司理按舊志作彭年今從萬厯府志

林夢桂

咸淳七年辛未

張鎮孫榜

林一龍

傳詳文苑

鮑堯

趙希夷

按萬厯府志作夷今從舊志

李夢生

趙若藻

潘夢申

項公輔

公案第左清道禦率府副率按舊志佚萬厯府志誤作瑞安人今據項喬項氏族譜求序狀補

正

陳斗孫

嘉興司戶

王斌

咸淳十年甲戌

王龍澤榜

鮑材

李涓孫

葉一枝

潘熊

潘岷

吳見國

永嘉縣志

卷之十一

選舉進士

手

薛萬里

太平州
司戶

趙嗣龍

恩賜上舍釋褐按熙寧元豐間太學生分為三等由外舍升內舍由內舍補上舍上舍分

三等上舍即引見釋褐崇寧初罷科舉專行三舍法歲合太學辟雍生公試上等即推恩釋褐蓋釋褐之

與進士異名而同實也舊志列諸科中今特移載於此

王自東景山子字寅甫宣義郎湯志據王氏族譜補

葉宗大潘希仁傳附潘凱詳宦績按二人萬厯府志作兩

優釋軍教授永嘉姜得平撰疑年即平之誤姜得年按直齋書錄解題論語本旨一卷建昌

婁世則

徐賢 林士益

劉炎按舊志劉炎上有徐定考定晉江人寓永嘉今刪

陳桂子 林一登

趙必蔡崇滋子

陳莊

陳蘭孫侍郎

毛伯麟

潘懋按萬厯府志不詳縣分

翁子韶按萬厯府志不載

劉昭仲光兄按舊志佚據朱子集丁宜人墓誌補

胡守按乾隆府志誤作平陽人攷葉適胡夫人墓誌子宗子守相繼登進士第是守為永嘉人明矣

今改薛岷按萬厯府志誤作平陽人攷葉適薛公墓誌

正誌紹三子國子監進士武當軍推官今改正

薛嵩按舊志佚攷王綽詩瓜廬墓誌謂石子屬

子監進士今補

王恕字季如淳熙間人湯志據王氏族譜補

特奏名進士宋史開寶三年詔禮部閱貢士及十五

始此按紹興間賜同學究出身乾道二年第一等第

特恩不復繫諸鄉舉矣舊志

張 淳傳詳儒林

宋 槩

宋伯廉

陳 顥大理評事

陳安愈湖南提幹

陳朝元南劍司戶

劉 迴

劉安朝

劉 謂

劉 該

毛 璿

潘伯成

陳匠梓

劉 設

劉嗣元監明州務

劉嗣服司法

毛法仁

劉之望

林武

儒林傳詳

劉嘉英

薛開

傳詳義行按舊志佚萬厯府志不詳縣分放兩浙名賢錄徵言族子今補

朱京

傳詳孝友按舊志佚據林季仲朱府君墓誌補

戴厚

傳詳文苑按舊志薛特立傳詳孝友按舊志佚據攻媿集補

列上舍釋褐縣分未詳而人物傳作永嘉人以特科授承奉郎今補

進士

元元史選舉志凡進士蒙古色目人作一榜漢人南人作一榜皆分三甲

泰定元年甲子張益榜按舊志作丙子誤

項仲升癸亥鄉舉是年第三甲登第終池州路貴池縣尹

至正十四年甲午牛繼志榜

陳麟傳詳官績 林溫傳詳文苑

乾隆府志按康熙縣志是科有王壽孫官廉訪副使省府志不載俟攷

附科分無考一人

沙可學按舊志佚攷明詩綜載永嘉人行省掾又引詩話楊廉夫有送沙可學序其畧曰某官來總行

省事求從事掾之賢能者得一人曰沙可學又得高則誠葛元哲三人者天府登其鄉書大廷榮其高等而拜

進士出身賜任州理佐治之職者

明史選舉志舉人試之京師曰會試中式者天子親策於廷日殿試分一二三甲以爲名第之次一甲止三人賜進士及第二三甲賜進士出身三甲賜同進士出身

洪武四年辛亥

吳伯宗榜

陳

彝

登科錄貫永嘉縣儒籍治詩經字原善會試第一百十二名授太原府陽曲縣丞

陳

珙

登科錄貫永嘉縣民籍治春秋字叔向會試第二十七名授東平府東阿縣丞按登科錄珙作

拱而成化舉人題名

碑作珙今仍舊志

按乾隆府志引憲章類編載洪武初進士周丹永嘉人攷明史洪武四年始舉會試嗣後遂能科舉至十八年復行是丹之登第當在四年但四年登科錄具載於藝海珠塵中永嘉實止二人府志誤

洪武十八年乙丑

丁顯榜

胡 寧 鹽運司同知 葉 宗 傳詳宦績

徐 誠 刑部主事 蔣應辰 縣丞

陳 順 順昌縣丞 沙順昌

潘 善 石城縣丞 張善同 縣丞

洪武二十一年戊辰 任亨泰榜

盧敬賢 秦府奉祠正按成化舉人題名碑作盧賢

林 珽 縣丞按舊志佚萬厯府志作林挺瑞安人今據成化舉人題名碑更正

洪武二十七年甲戌 張信榜

陳 滋 知陽壽 夏遂祿 傳詳介節

洪武三十年丁丑 陳知榜通志履試榜首韓克忠

選舉 進士

黃淮傳詳名臣

建文二年庚辰胡廣榜按廣更名靖

劉現傳詳介節

潘文奎傳詳文苑

薛東懷慶府同知

黃諒縣知威

李光知如皋按萬厯府志不載成化舉人題名碑作吳光疑李為吳之誤姑仍舊志

永樂二年甲申曾榮榜通志元年癸未登極因改二年會試

王道翰林院庶吉士

戴文麟秦府奉祠正

永樂四年丙戌林環榜

鄭柱傳詳介節按通志柱作志

張文選傳詳儒林

梁彬縣知

永樂九年辛卯

蕭時中榜己丑會試
上北狩至是年廷試

周文褒

傳詳
宦績

葉

俊

太原知府按通志入
壬辰科今從萬厯府

志

永樂十年壬辰

馬鐸
榜

蔡道隆

刑部
主事

阮

存

傳詳
宦績

永樂十三年乙未

陳循榜是歲始
詔會試於北京

方以正

傳詳
宦績

陳

禮主
事

永樂十六年戊戌

李騏
榜

劉安定

字秉彝舉人安真
之弟監察御史

永樂十九年辛丑

曾鶴
齡榜

選舉

進士

三

陳

聳

字先言會魁知內江

宣德二年丁未

馬愉榜

任

鳳

史御

宣德五年庚戌

林震榜

林

補

號志齋傳詳儒林

朱良暹

珍溪里人按舊志作江西按察司僉事攷

陝東錄朱少川墻誌載良暹官御史巡按山東陞江西按察副使

胡

輿

刑部主事

葉

錫傳詳宦績

宣德八年癸丑

曹鼎榜

梁

宏

郡城城西人

正統元年丙辰

周旋榜

周旋

傳績

景泰二年辛未

榜柯潛

徐安行

傳詳介節

婁

濬

傳詳介節

乾隆府志云康熙志載有世進士坊為徐彥遠徐鵬徐安行徐鎬立攷各志選舉惟安行載是科進士徐鎬僅見成化乙酉鄉科餘俱無攷附識於此

成化二年丙戌

榜羅倫

李觀

刑部郎中

宏治六年癸丑

榜毛澄

李瑾

廣東僉事

宏治九年丙辰

榜朱希周

王

瓚

榜眼傳
詳名臣

宏治十八年乙丑

顧鼎
臣榜

陳定之

號鳳山刑
部主事

正德六年辛未

楊慎
榜

李

階

傳詳
義行

正德十二年丁丑

舒芬
榜

葉

式

傳詳
宦績

正德十六年辛巳

楊維聰榜通志庚辰會試時車駕南巡
明年辛巳世宗登極五月十五日廷試

張

璉

字茂恭傳
詳名臣

嘉靖二年癸未

姚涑
榜

王

激

激弟傳
詳宦績

徐廷傑

山東按察司僉事

嘉靖八年己丑

羅洪先榜

項

喬

傳詳
名臣

嘉靖十七年戊戌

葉瓚榜

王

健

瓚子會魁
傳詳文苑

王

德

澈族子傳
詳忠義

嘉靖二十三年甲辰

秦鳴雷榜

孫

昭

傳詳
宦績

嘉靖二十九年庚戌

唐汝楫榜

王

諍

傳詳
宦績

王叔果

澈子傳
詳儒林

嘉靖四十一年壬戌

申時行榜

王叔杲

澈次子傳
詳宦績

嘉靖四十四年乙丑

范應期榜

金昭

字懋卿號霞
峰瑞州知府

金

鉉

字三洲性敏學博任
南京刑部主事姪璋

先後聯雋俱以廉
人省志作永嘉人

祖正稱按樂清志作樂清
祖籍樂清今仍舊志

隆慶五年辛未

張元忭榜

王良心

澈族子傳
詳宦績

萬厯二年甲戌

孫繼皋榜

王繼明

澈族孫傳
詳宦績

萬厯五年丁丑

沈懋學榜

葉承遇

會魁傳
詳宦績

何懋官

號方巖衡州知府按
通志作僉事疑誤

萬厯十四年丙戌

唐文獻榜

張德明

字敬從曾孫傳詳宦績按乾隆府志作從榮清

萬厯二十三年乙未

朱之蕃榜

張陽春

傳詳介節

沈光宗

南昌通判按歐乘補引饒州府志萬厯二

十三年任
浮梁知縣

萬厯二十六年戊戌

趙秉忠榜

項維聰

會魁傳詳宦績

萬厯二十九年辛丑

張以誠榜

吳光翰

字十洲授龍溪知縣未任丁憂起補上津知縣

萬厯三十五年丁未

王士俊榜

王光經澈族孫傳臚

項應譽字為谷歷當塗固安知縣

萬厯三十八年庚戌韓敬榜

劉康祉會魁傳詳宦績

翁家春字起陽蘇州通判

萬厯四十七年己未莊際昌榜

周應期傳臚傳詳宦績

王維夔傳詳宦績

陳堯言傳詳名臣

張中蘊傳詳介節

天啓二年壬戌文震孟榜

張天麟傳臚傳詳宦績

邵建策倬子工部主事

天啓五年乙丑余煌榜

王瑞梅傳詳名臣

附特賜進士一人

舊志按康熙府志佚通志載崇禎壬午
致明史崇禎十三年庚辰賜廷試貢士

吳康侯等百人同進士出身今董氏宅尙
有庚辰特賜制科遺額因從明史更正

崇禎十三年庚辰

董

卿 濱州知州

國朝

大清會典鄉試定於子卯午酉年
八月會試定於丑辰未戌年三月

順治九年壬辰

鄉忠倚榜

王錫琯

維夔子傳
詳孝友

順治十二年乙未

史大成榜

謝包京

榜名包國京復
姓謝傳詳義行

康熙三十九年庚辰

汪綽榜

謝天壇

包京孫傳
詳宦績

林元桂

傳詳
文苑

康熙五十四年乙未

徐陶
璋榜

洪勛

會魁傳
詳文苑

陳王綬

堯言曾孫
傳詳宦績

乾隆三十七年壬辰

金榜

王安上

字禮
安

道光六年丙戌

朱昌
頤榜

鄭汝楫

傳詳
宦績

道光十三年癸巳

汪鳴
相榜

王壬

吏部考功
司主事

道光二十七年丁未

張之
萬榜

王

玉

會魁任山西
繁峙知縣

恩榜進士附

咸豐六年丙辰

吳宗元

授翰林院編
修壽百齡

舉人唐來舉人曾試不第須再舉至元延祐乙卯泰
之後則下第者悉授路府學正及書院山長又增取
諸生亦授勸學錄縣教諭著為格是元之舉人與宋
不同而明制由是仿焉
國朝舉人非截取大挑不能得官與明制又稍異焉今依
舊志載自明始至鄉試副榜猶元之有備榜也
恩榜中式猶宋之特科也故並附焉
明

洪武三年庚戌

是年始
詔開科

陳彝

辛亥
進士

彭

修

御史

陳珙

辛亥進士授洪武四年
進士登科錄珙作拱

吳益

黃

巒

虞城
主簿

張著

江南榜傳詳文苑按舊志及
題名碑俱佚據列朝詩集補

按成化題名碑是科僅載陳彝陳珙而彭修則列甲子科吳益黃醫俱佚

洪武十七年甲子浙士登科考洪武十六年起罷進士科者十有二年至十七年始復開科

張善同乙丑進士葉宗乙丑進士

陳順乙丑進士蔣應辰乙丑進士

徐誠乙丑進士按萬曆府志鄉科作平陽人甲科作永嘉人今仍舊志

潘善乙丑進士沙順昌乙丑進士

胡益乙丑進士中式

按成化題名碑是科有彭修而無徐誠沙順昌但過志甲科既載徐誠二人則題名碑應屬偶逸

洪武二十年丁卯

陳敏傳詳葉朋長史

林 珽

戊辰進士按舊志佚萬厯府志鄉科作永嘉人甲科作林挺瑞安人今據題名碑更正

林道立

教諭

盧敬賢

戊辰進士按題名碑作盧賢

洪武二十三年庚午

徐懷玉

傳詳介節

徐 鼎

靜安教諭

孟 清

按題名碑不載攷通志是科有全榜可稽今從之

洪武二十六年癸酉

夏遂祿

甲戌進士

陳 滋

甲戌進士按題名碑滋作攷

金原祺

傳詳文苑按舊志誤作元祺今據題名碑更正

洪武二十九年丙子

潘文奎

庚辰進士

賈 琬

潘旭教授

黃淮應天中式丁丑進士按題名碑入己卯科

建文元年己卯

劉安真字秉誠閩縣教諭

劉現庚辰進士

黃諒庚辰進士

陳復教授

李光

薛東外省中式庚辰進士

按題名碑黃諒入丙子科李光作吳光薛東佚

永樂元年癸未浙士登科攷是科當以壬午鄉試適值成祖登極之時未暇舉行故以癸未鄉試甲

申會試

王道解元甲申進士

陳禮乙未進士

戴文麟甲申進士

何綬

永樂三年乙酉

張文選

丙戌進士

鄭柱

丙戌進士

梁彬

丙戌進士

徐彬

泉州教授

鄭志

題名碑萬厝府志俱佚

永樂六年戊子

葉俊

壬辰進士按萬厝府志載一作黃俊然甲科亦作葉俊今從題名碑更正

王壽

訓導

蔡道隆

壬辰進士

王道立

香河教諭

周文褒

應天中式進士

方以正

乙未進士按舊志誤入辛卯科今從題名碑及萬厝府志更正

永樂九年辛卯

方祖安

康樂里人刑科給事中

林性安

柏鄉教諭

葉尹賢

臨江通判按題名碑作見賢

朱良以

良遲兄累官四川按察司僉事按康熙府

志作良方今從萬府志

阮存

壬辰進士

曹宗鎔

教諭

金鐸

知武昌按萬府志作教諭

永樂十二年甲午

戴時雨

字伯時號錦丹崇仁教諭東甌詩存作庚子舉人今從題名碑

任鳳

丁未進士

鄭道寧

監察御史

鄭進祖

應天中式馬邑教諭

永樂十五年丁酉

曾氤

字思宗號樸菴禮部主事

徐文靖

廉州教授

葉勝祖

漳浦教諭

孫隱

邳州學正

張端生

教授按萬麻府志作教諭

劉安定

應天中式戊戌進士

永樂十八年甲子

陳聳

解元辛丑進士

徐士東

刑部主事

王宗惠

工部郎中按萬麻府志作主事

鄭道順

知鍵為按舊志誤作導順今據題名碑及

萬麻府志更正

朱良暹

庚戌進士

趙詵

字尚陸號雲菴泗州訓導

李永本

字守仁號恒澹仙居鄉人歷長汀江陰知

縣

章惟澄

徵知儀

陳啟

福寧州學正

劉定

教諭

王豫

永嘉縣志

卷之十一

四

永樂二十一年癸卯

胡 輿

經元庚戌進士

葉 錫

庚戌進士

李 廣

郡城悌華里人國子監丞按黃淮李公墓誌作汀州連城教諭

許 瑩

訓導按康熙志作榮今從題名碑

宋道誠

訓導按萬厯府志誠作成

按舊志有葉琰考題名碑無萬厯府志亦不載

宣德元年丙午

林 補

庚戌進士

林宏遠

教諭按萬厯府志宏作洪

宣德四年己酉

登科考是年改北京行部鄉試為順天鄉試其以前中式者稱北京行部

章 榮

益曾孫由龍泉徙永嘉王府件讀按萬厯府志作訓導

宣德七年壬子

林佩教諭

梁宏進癸丑進士

宣德十年乙卯

周旋丙辰狀元

正統三年戊午

劉邦彥福州訓導

正統六年辛酉

葉光訓訓導

正統九年甲子

婁濬辛未進士

金敦長蘆運同

葉翀

正統十二年丁卯

徐

珙

順天通判按題
名碑珙作拱

按萬厯府志是科有楊昕上海知縣考通志
不載與辛酉瑞安人名姓俱同萬厯府志誤

景泰元年庚午

徐安行

應天中式
辛未進士

陳

鐸

字文振授學正
遷王府紀善

李悅

林時中

陳本方

訓導

劉

濬

鄒縣教諭著有孔顏
孟三氏誌按舊志濬

作濬今從題名碑
及萬厯府志更正

陸

昇

黃州同知按萬厯府
志陸昇作陳昇今從

題名碑
更正

天順三年己卯

李

觀

丙戌進士

天順六年壬午

王

瑞

正學

謝

暹

字茂昇號萬山性至孝博綜強記太守黃

玘辟爲郡學仍留幕下應天中式任臨武教諭著有萬山詩稿

成化元年乙酉

徐

鑰

通政司經歷按題名碑作余鑰攷舊麻府志亦作徐姓

彭

俊

應天中式大名同知按舊志入天順己卯科今據題名碑及舊麻府志更正

彭

昭

仙遊知縣按題名碑不載

成化四年戊子

張

甫

按舊麻府志不載

成化七年辛卯

徐守臣

學正

成化十三年丁酉

黃祿

傳詳孝友

高輝

順天中式萊州通判按修理崇果寺佛殿

碑作登州通判

按舊志是科有周服泰和教諭攷萬厯府志不載通志作鄞人

宏治二年己酉

陳福

順天中式侯官知縣

宏治五年壬子

李階

辛未進士

李瑾

處州衛籍徙永嘉癸丑進士

宏治八年乙卯

王

瓚

經元丙辰榜眼

宏治十一年戊午

張

璉

辛巳進士

宏治十七年甲子

登科考明初應試止取廩生後漸及增廣至是詔廩增附一體掄選附生中式

始此

陳定之

乙丑進士

正德二年丁卯

王

激

澈弟癸未進士

正德五年庚午

永嘉縣志

卷之十一

三

劉 杲

正德八年癸酉

王

澈傳詳宦績

正德十一年丙子

葉

式門丑會魁

正德十四年己卯

項

喬己丑進士

朱

騰傳詳宦績

周

珙旋孫字汝美號草窗福寧知州

嘉靖元年壬午

徐廷傑

癸未進士

嘉靖四年乙酉

周

感

傳詳文苑

黃仁

嘉靖七年戊子

張

純

傳詳宦績

王

健

璣子順天經元戊戌會魁

嘉靖十三年甲午

周

鼎

瑞金知縣

邵化之

字思教常州通判

季

福

順天中式

嘉靖十六年丁酉

張

霖

字敬姪孫璧江知縣

項

瑄

萬泉知縣按萬縣府志作萬全縣

王

德

戊戌進士

選舉

選舉

選舉

舉人

民

嘉靖十九年庚子

王叔果澈子庚戌進士

高旻順天通判

孫昭甲戌進士

黃一鵬字文振號南華武寧知縣

王諍澈族弟應天中式庚戌進士

嘉靖二十二年癸卯

王燾經元澈族孫

王叔果澈子壬戌進士

嘉靖二十八年己酉

馮瀚

金昭乙丑進士

朱體信傳詳介節

嘉靖三十四年乙卯

楊芳春

朱玉 字必聘知太平工詩著有芸窗雜著

張鳴鸞

傳附張純詳宦績

朱廷謐

傳詳介節

嘉靖三十七年戊午

陳一貞

傳詳孝友

林宗教

傳詳介節按通志誤作永康人

嘉靖四十年辛酉

王光蘊

叔果子傳詳介節

嘉靖四十三年甲子

王良心

辛未進士

葉承遇

丁丑進士

王如珪

德子溧陽知縣

金鉉

祖籍樂清福建榜乙丑進士按舊志鉉誤

作銓萬曆府志不載

隆慶元年丁卯

王繼明

甲戌進士

隆慶四年庚午

李宮

字子律隨州知州按東
厥詩存作無為州牧

夏一經

傳附夏遂
祿詳介節

梅廷宰

石康知縣

萬厯四年丙子

邵倬

字必明建策父亞魁
博學工詩金鄉教諭

何懋官

丁丑進士

張守身

字敬從孫號環
海吳橋知縣

張德明

丙戌進士

孫愈賢

雲南榜按萬
厯府志不載

萬厯七年己卯

任秀卿

蒙城知縣

陳懋策

萊水教諭

萬厯十年壬午

梅廷哲

廷宰第川東通判

張大受

仙遊知縣按舊志受作綬攷益化縣志作

受萬厯二十九年任益化教諭卒於官萬厯府志亦作受

萬厯十三年乙酉

張陽春

乙未進士

萬厯十六年戊子

王光哲

澈族孫

萬厯十九年辛卯

吳彥匡

字子範萬厯四十七年龍南知縣工詩著花史

金

璋

鉉姪福建榜益府長史按萬厯府志不載

萬厯二十二年甲午

吳光翰

亞魁辛丑進士

張陽純

陽春從弟亞魁刑部郎中

項維聰

戊戌進士

沈光宗

順天榜乙未進士

萬厯二十五年丁酉

王光經

丁未進士

張時

選貢昭之弟號曙海內江知縣

萬厯二十八年庚子

劉康祉

庚戌進士

王昌祚

海陽知縣以廉能著子爾椒名士有岳心

堂集

萬厯三十一年癸卯

項應譽丁未進士

林必成傳詳
宦績

萬厯三十七年己酉

翁家春庚戌進士

周文穎字孺子新淦知縣有
惠政七年遷衡府長

史已為構去思亭
著有尋樂齋集

周南雲南榜按康熙
府縣志不載

萬厯四十年壬子

張天麟壬戌進士

王維夔己未進士

王士倫傳詳
宦績

萬厯四十三年乙卯

張中蘊己未進士

周應期己未進士

陳汝益奉新知縣調溧
水廉直多惠政

任德卿

萬曆四十六年戊午

陳堯言

己未進士

邵建策

壬戌進士

天啟四年甲子

王瑞栢

乙丑進士

天啟七年丁卯

陳立政

字廷益著有
無聲絃詩集

谷光猷

崇禎三年庚午

陳名卿

號君一吹臺鄉
磯下人有詩名

張展成

傳詳
宦績

崇禎六年癸酉

周宗璧

工部
主事

崇禎十二年己卯

方茂棟以正裔孫性至孝侍親疾衣不解帶比葬廬墓三年

崇禎十五年壬午

王錫琯

維葵子王辰進士

林夢龍

宗教孫字言臣中書舍人

劉士焜

字受弢閉戶著書人重其學行

陳立言

選貢邦紀之父順天榜柳州推官

國朝

順治五年戊子

楊一完

順天中式字我皆遂昌教諭

順治八年辛卯

謝包京

榜名包國京乙未進士

順治十四年丁酉

陳振麟

字雲趾歲貢光前之子孟津知縣

康熙二十九年庚午

謝天埴

包京孫經魁庚辰進士

王

鶚字公肖號載培別號表秋

康熙三十二年癸酉

朱肇濟

字楫如歷黃巖教諭處州教授振興學校學問深沈著有詩經講義

康熙三十五年丙子

洪勛

乙未進士

康熙三十八年己卯

葉之麟

林元桂

庚辰進士

蘇珍

常山教諭

康熙四十一年壬午

張式霈

字次雲號海澗仁和教諭

康熙四十七年戊子

張復亨

經魁山陰教諭端方正直士人稱之

康熙五十年辛卯

邵家默

傳詳孝友

康熙五十二年癸巳

恭逢萬壽

開科於二月鄉試

曾紹嗣

字孝符亞元

陳王綬

乙未進士

康熙五十三年甲午

永嘉縣志

卷之十一

選舉

職官

三

曾銳狎

按舊志供今據兩浙科名錄補

林元植

元桂之弟殿元南豐知縣

雍正七年己酉

王兆爝

雍正十年壬子

陳士鶴

乾隆元年丙辰

恭逢登極開科

林際遇

余作舟

字次鹽號巨川

王永祚

字穎錫永康教諭

張元旭

式需子字肇昂壬戌明通餘杭教諭

馮文煥

字陶章號立齋順天中式丁巳明通蕭山教諭

乾隆三年戊午

邵

中武第二名字淵文號柎岡家默
子王成明通歷龍游石門教諭

乾隆六年辛酉

彭子霽

按洪勛重新永嘉
縣學碑記作子霽

乾隆九年甲子

張元觀

式霽子字肇上順天中式歷
國子監助教刑部戶部主事

乾隆十五年庚午

童振聲

字惠成

乾隆十七年年壬申

恭逢萬壽開科於二月鄉試

周鳳岐

字西翔號泊莊順天中式歷江
陰阜寧元和知縣遷海州知州

乾隆十八年癸酉

永嘉縣志

卷之十一

書

徐乾輝

經魁

何阜颺

傳詳官績

乾隆三十年乙酉

王安上

壬辰進士

乾隆三十三年戊子

邵振洪

乾隆四十二年丁酉

周懋曾

順天中式

乾隆四十五年庚子

金際會

號亨庭順天中式盧龍知縣陞涿州知州

乾隆五十四年己酉

蔡逢萬壽恩科

周學淮

儀隴知縣

谷廷桂

字森五員外郎

乾隆五十九年甲寅

是科恩科

以紀元六十載特開

項國枏

傳詳宦績

乾隆六十年乙卯

林敷英

號蘭苑解元嘉善教諭

嘉慶五年庚申

是年遷恩科

純廟九旬稱慶前旨仍開

任一桂

錢塘教諭

嘉慶六年辛酉

潘宗耀

傳詳文苑

嘉慶九年甲子

永嘉縣志

卷之十

華

張泰青

字孟平亞元楓北廳同知
著有小東山草堂文集

嘉慶十二年丁卯

項秀東

四川井研知縣

陳

瀾

原名乙金字澄源號
秋槎謄錄議叙知州

湖北建始知縣

嘉慶十三年戊辰

恭逢萬壽恩科

葉一清

著有聽濤軒課藝

曾

煜

號層峰教諭

鄭汝楫

傳詳宦績

嘉慶十五年庚午

潘光鈞

嘉慶十八年癸酉

夏禹源

經魁六都石壇人道光年大挑二等任東陽上虞教諭

繆澧英

號蘭皋著有華蓋山房課藝

嘉慶二十三年戊寅

恭逢萬壽恩科

王錫瓚

於潛教諭

張振夔

傳詳文苑

嘉慶二十四年己卯

周衣德

傳詳文苑

道光五年乙酉

應鍾衡

字位南號仲山十一都杜奧溪人孝豐教諭

道光八年戊子

馬昱中

解元字蔚霞郡城人

道光十一年辛卯

王壬南元癸巳進士

道光十四年甲午

潘銘恩

字仲殷號蓬仙郡城人順天中式雲南路南知

府軍功賞戴花翎督辦普海軍務殁於王事贈道員蔭一子以州判用

道光十五年乙未

王玉

中式第二名丁未進士

道光二十六年丙午

周錦川

字希濂號蓮舫郡城人

道光二十九年己酉

李正鈺 字伯珍號溫如棟
選知縣見忠義

咸豐元年辛亥 恭逢
登極恩科

葉麟慶 號石生

同治四年補行辛酉正科並壬戌 恩科

葉芝壽 號鶴仙霞坊人戶部湖廣司員外郎
葉浚 原名俊號茝英南
湖人內閣中書

黃書誥 號義文郡城人保舉知縣

同治六年丁卯 是年補行
甲子科

丁照 號藜生郡城人
徐樹藩 號仰山郡城人

同治十二年癸酉

葉國鎮 芝壽子
號彞生

光緒元年乙亥

恭逢登極恩科

徐清來

號穆如
徙郡城保舉知縣
楓林人

光緒二年丙子

徐定超

號班侯
族侄
清來人

陳

鏘

號鑾坡
郡城人

光緒五年己卯

陳聯科

號丹山
姪
郡城人

恩榜舉人附

乾隆年

癸酉黃泰綦

咸豐年

乙卯吳宗元

同治年

丁卯陳克明

庚午陳舜庚號長卿

永嘉縣志

卷之十一

美

副榜

明

萬厯年

庚子王至言

字昭文叔果孫以纂修玉牒授太常寺典簿著有笙鶴軒詩集

戊午王瑞柏

天啟年

丁卯陳名卿

舉人

崇禎年

孫林

字子幹負文望三中副車由益都教諭陞隆安知縣通商惠民脩學葺志士民德之擢雲州知

州未任卒著有繁露廣義安攘三策越吟草

選舉

副榜

七

癸酉 王至彪 字文虎順天榜授南康知縣以親老不赴安貧讀書人高其行

己卯 王起元 字鄰喜號阜東以詩名

附科分無考二人

張文炤 號太

張士和 號用齋員外郎按舊志俱佚據諭對錄補

國朝

順治年

庚子 馮滌

康熙年

王萬昌 字得全號瞻淇訓導按舊志入歲貢今據兩浙輶軒錄補科分無攷

壬子 林公璽 字子漢以子敷紫贈脩職郎

雍正年

丙午張振文

己酉葉廷瑞工詩賦著有易經輯要尚書總義跋與弟

廷璧友愛至老不分髮鄉黨稱之

乾隆年

癸酉張正宰

元彪長子號柳園

丙子程

浩傳詳介節

乙卯曾

銅字銘之號文橋候選教諭

嘉慶年

丁卯周衣德

原名灝己卯南元

戊辰張廷傑

號卓人荷花里人金華教諭

戊辰黃瑞芝

號元圃

道光年

選舉

副榜

下

癸卯 陳燧

字子玉

號芸巢城南虞師里人順天中式鑲紅旗教習授三台知縣調補鄭西知縣署保德州

知州陞任
陽州知州

己亥 陸湖洲

號礪士郡城人

同治年

丁卯 張應熾

號少霞郡城人

恩榜副貢

道光年

癸卯 胡景虞 桐溪人

咸豐年

金丹成 桐溪下塘人

同治年

乙丑 孫鳳誥 西溪異澤人

丁卯 陳舜庚

癸酉 邵雲恩

癸酉 伍桂堂

永嘉縣志卷之十一